

清・河紹基撰

著者手定底稿本 楷書

東洲艸堂文鈔

十六卷

文海出版社

有限公司
印行

2 D58/06

東洲堂文鈔

卷一二

東洲草堂文鈔十六卷

清河紹基撰 著者手定底稿本 楷書

何紹基，字子貞，道州人。所著東洲草堂文鈔，傳世多刻本。本書卷一奏疏，爲寫定待刻稿，封面題「東洲草堂文鈔卷一卷二」，但卷二已佚。卷三序跋，卷四題記，卷五題記與函札，卷六、七金石考釋，卷八、九、十、碑拓題跋，卷十一、十二、詩文書畫題跋，卷十三傳記祭文、卷十四、十五壽序，卷十六、十七、碑誌，以次附古近體賦一厚冊不分卷。按刻本共二十卷，此稿除缺卷二外，所存仍不止十六卷。

東洲艸堂文鈔卷一

使蜀疏藁

授四川學政謝摺

奉爲恭謝

天恩仰祈

聖鑒事本月初六日內閣奉

上諭四川學政著何紹基去欽此竊臣湘楚菲材詞垣末秩傳


經世業淡慚負荷於楹書通籍

先朝屢效馳驅於使節幸獲就瞻

雲日

溫語垂詢遠蒙

道州
何紹基



此臣字居中寫

竭 醑

簡畀輶軒名區視學

榮施逾格感惕靡涯伏念巴蜀多才人士得江山之氣學臣重職鑑衡兼教育之司自顧疏庸詎堪勝任惟有籲求

聖訓敬謹服膺庶幾矢勤矢慎冀文章器識之彌_百治己治人

合勵士禔躬而交勉稍_曷涓埃於駑鈍仰酬

高厚之生成所有_{微臣}感激下忱謹繕摺恭謝

天恩伏祈

皇上聖鑒謹

奏咸豐二年八月初九日奏

擬請鑄用大錢摺

奏爲擬請鑄用大錢以復古救時仰祈

聖鑒事竊惟自古有銀不以充惟正之供也以銀輸賦始於明

季害農功而利逐末便居積而長奢淫爲患於人心風俗甚鉅然而民生所便卽富府所宜至於我

朝治襲者復二百餘年矣以天下之財養天下之人出納有經何虞短絀無如西北邊餉歲數百萬東南出洋歲逾千萬斯二者皆往而不返者也積世累年勢難爲繼夫易窮則變變則通銀之爲用至今日可謂窮矣尚不思變通可乎欽惟我

皇上嗣服以來崇儒典學克己愛民國計盈虛日廩

宵旰卽使銀數方贏尚宜反經以復古況值銀數日絀尤當變法以救時顧救時之法仍不外乎復古溯自刀幣之興代不相襲然皆用銅而不用金銀此聖帝明王所貽不可易之良法也唐以後諸幣俱廢行用者惟通寶錢民之所輸有粟有絹有布而流通以錢然所業非所徵粟與絹布皆見絀於錢謀國者已

重傷之至明季用銀耕織所出皆由錢以化銀而錢又見絀於銀民輸官賦粟尚有之絹布漸不知爲何物而民於是乎重困循至銀價日昂錢價日賤數石之穀易銀一兩

國家又止收銀而不收錢上下轉移而官民於是乎交困今必欲得一物以易銀有其用而無其弊惟有大錢而已矣歷代大錢之制不一大約由當五當十至當千而止擬請於常行通寶錢外鑄爲大錢三品曰當一百曰當五百曰當一千當千者重不過二兩俾與制錢相劑而行由部臣議定成式務期精好頒發中外一體鼓鑄凡支給俸薪養廉及河工兵餉皆銀與大小錢兼放賦稅所入當收銀者皆准以銀與大小錢搭配交納應歸藩庫部庫者酌爲減節以免先解後撥之煩惟關稅仍照舊盡數收銀而

特恩錫賚則給銀以示優異俟大錢暢行之後民輸官賦乃漸不必用銀然非置銀於無用也民間以銀易錢及用銀交易聽其自如無庸過問銀本與金爲類既有大錢銀價且不妨增貴蓋君民者爲民理財非務自封殖也但得百貨流通卽爲天下留此有餘不盡之銀未嘗非藏富於民之義惟添鑄大錢議者必以銅斤缺乏爲疑不知銅斤固未嘗缺也臣自幼隨任居京迄今四十餘年尋常器物昔用鐵者今多易而用銅京師如此外省隨之用銅之濫至斯已極鍾官歲鑄原以便民有放無收本非政體資糧誨盜適濟奸商銅器彌造而彌精斯官錢日鑄而日少順治康熙雍正時青銅錢及乾隆初年肉好周正之錢昔所常逢今消磨漸罄矣蓋制錢一千約重七斤以千錢購銅器才可二三斤耳得利過倍何所憚而不爲乎若官收制錢則

民知制錢之可貴官用大錢則民得制錢之運行再嚴銅器之禁廣收銅之法銅有不足者乎銅足而錢有不足者乎國語單穆公之言曰民患輕則爲之作重幣以行之於是乎有母權子而行民皆得焉若不堪重則多作輕而行之亦不廢重於是乎有子權母而行小大利之所謂輕重卽小大也蓋大錢與小錢同類而相爲子母者也故母能顧其子子能養其母其道可以相全銀之與錢非同類而相爲子母者也故母不能顧其子子不能養其母其勢不能以相救夫用銀之法十千之需不踰一握百萬之富僅可盈箱豈不誠簡且易哉詎知簡易之術國家恃之奸商富民貪吏尤恃之低昂靡定眞僞混淆眩篋難防漏卮不塞其爲隱患何可勝言用錢之法似煩重杜弊實多居積者不便多藏貪淫者易知省嗇民重農穀吏易清廉減

敦
臣

嗜欲之原培塿之化不惟民生國計賴可挽回於人心風俗裨益亦實爲不少臣出都時廷△方奉

旨議籌帑各條及鈔法可行與否臣愚竊以爲鈔若可行正與大錢相爲表裏籌帑雖多方恐其止濟目前非關久計也伏願皇上宸衷默運除數百年之蠹而爲萬世之謀若司計者仍斷斷焉以銀爲命思所以補苴而斡旋之則歸於無術而已矣臣以詞垣末秩叨荷

特恩俾視蜀學寤寐時艱不勝其區區之誠途次就管見所及擬就此稿鑄用之法不及致詳茲行抵西安始獲繕摺謹借用陝西布政使司印鈐封入

奏芻蕘之言是否有當伏祈

皇上聖鑒謹

奏咸豐二年十月十九日陝西西安省城奏

十一月二十八日奉到

硃批所奏不爲無見然小錢大錢制雖異用實同現鑄小錢銅尚不足何況大錢乎汝知一未知二也至器用多銅原干例禁本年曾經降旨況古制亦非盡善舉一事必欲復古試問井田封建尚可復乎此摺著戶部存記若有可行時不妨採擇入奏欽此

恭報到任日期摺

奏爲恭報

微臣

到任日期仰祈

聖鑒事竊

臣

恭承

恩命視學西川

召對之時於經史詩文之業身心性命之書

寵賜垂詢

曲加訓誨跪聆之下感悚服膺茲於十一月二十日馳抵成都
省城二十二日准前任學政臣支清彥委成都府學教授徐煌
訓導傅泰煊齎送四川學政關防並文冊書籍等件到臣臣恭
設香案望闕謝

闕謝

恩祇領視事伏念臣學殖疏庸膺斯重任惟有恭繹
訓言嚴防弊竇務拔真才期仰酬

高厚鴻慈於萬一所有微臣到任日期除恭疏

題報外理合繕摺奏

聞再臣所過直隸山西陝西地方及四川境內農田均屬有秋
民情安謐堪慰

聖懷合併附陳伏祈

皇上聖鑒謹

奏咸豐三年十一月二十四日奏咸豐三年正月十八日奉到
硃批知道了地方一切情形隨時訪察具奏

恭報歲試成都省垣情形摺

附片

奏爲恭報成都省垣歲試情形仰祈

聖鑒事竊臣恭承

簡命視學西川自上年十一月二十二日接印後因署中書吏
承差兩項人數浮多乃先行局試書吏令擬作告示承差令默
寫四書復察看其人明白安靜者各挑出十一二名在署當差
餘皆汰除憶上年跪聆

聖訓時

信信以嚴管書差爲

濟

諭蓋學政衙門弊竇多出於書差防弊之法誠莫先於此也時
逼歲暮發題觀風據各學將觀風卷先後解到臣隨時批閱至
正月十六日封門考試成都府屬文武生童及八旗駐防之武
生武童其資州綿州松潘廳理番廳茂州各屬皆在省垣附考
時閱九旬始獲竣事查成都府及資綿二州文風較好松潘理
番茂州次之然時文詩賦亦皆略有可觀至稽經攷史性理經
濟講求有體有用之學者甚屬寥寥臣擇其用功有門徑者優
加獎勵空疏浮淺者曲爲訓迪考試文童時槍冒之弊頗多密
查嚴辦言出法隨漸歸整肅考試武童時或一童考數名或兩
人替一人尚不難設法稽查辨認惟考試之日廩保及武童甫
出轅門輒被痞匪多人指稱岐考冒籍等弊憑空拉去勒索銀
錢遂其所欲方行放出以及侮辱教官健訟滋事者層見疊出

臣雖飭提調官嚴拏審辦竝自行提訊究懲辦結多起然積習相沿驟難斷絕由川省武風素盛不肖者遂習爲桀驁地方官多尚慈柔致釀成此種風氣臣於試畢後已與署督臣裕瑞面商飭府縣將未獲痞徒嚴拏究辦冀挽惡習而弭隱憂臣現在清釐案牘約月內即可出省按試臣睢州嘉定敘瀘重慶各屬謹將省垣歲試情形先行具

奏至成都入春以來惟三月間略形缺雨時交夏令疊沛甘霖農田可望有秋現聞江南連次報捷川省漸可撤防仍籌辦團練以防土匪民情安謐堪慰

宸懷合併附陳伏乞

皇上聖鑒謹

奏咸豐三年四月十八日奏六月十二日奉到

硃批知道了汝能如是認真朕甚嘉悅欽此

附片

再臣於奏報到任摺內奉

硃批知道了地方一切情形隨時訪察具奏欽此仰見我

皇上廬念地方邇言必察之至意惟臣到川日淺又值局試之

期容俟訪有確實利弊敬謹入告固不敢安於緘默亦不敢少

蹈輕率也理合附片陳明伏祈

聖鑒同日奉

硃批是欽此

捐輸軍餉奉

旨從優議敘謝摺

奏爲恭謝